

Visoki predstavnik pozdravlja odluku kojom se jača operativno obavljanje policijskog rada na državnom nivou

Visoki predstavnik Paddy Ashdown je danas pozdravio juče donesenu odluku koja će pomoći da se u realnost prenese opredijeljenost Bosne i Hercegovine da se jačanjem operativnih kapaciteta na državnom nivou bori protiv organiziranog kriminala, trgovine ljudima i terorizma.

Juče je vlada pod vodstvom premijera Hadžipašića donijela odluku o dodjeli prostorija za smještaj Agencije za informacije i zaštitu (SIPA). Agencija će se privremeno preseliti u prostorije unutar Policijske akademije Federacije dok se ne riješi pitanje trajnog smještaja.

Agencija za informacije i zaštitu (SIPA) predstavlja ključni operativni odjel Ministarstva sigurnosti. SIPA će vremenom postati glavna organizacija za operativni policijski rad na državnom nivou. SIPA je osnovana prije nešto više od godinu dana sa zadatkom borbe protiv organiziranog kriminala, međunarodnog terorizma i nelegalne migracije te osiguranja VIP osoba i ključnih objekata.

Visoki predstavnik je rekao: "Odlukom gospodina Hadžipašića se SIPA-i daje sjedište koje joj je potrebno da bi počela raditi punim intenzitetom. Puna operativnost SIPA-e će pokazati svima da je Bosna i Hercegovina ozbiljna u svojim nastojanjima da reformira sektor javne sigurnosti i bori se protiv organiziranog zločina, trgovine ljudima i terorizma. Sada

moramo nastaviti dalje i graditi na tom uspjehu."

Visoki predstavnik i komesar EUPM su se nedavno pismom obratili predsjedavajućem Vijeća ministara Adnanu Terziću preporučivši mu uspostavljanje BiH tima za upravljanje i provedbu vladavine prava, koji će pokrenuti debatu o proširenju ovlasti SIPA-e i drugih zakonodavnih i policijskih pitanja u vezi sa provođenjem krivičnog zakona u bosansko-hercegovačkom okruženju. Predviđeno je da u predstojećim mjesecima ovaj Tim treba predvoditi aktivnosti na racionalizaciji entitetskih zakona o unutrašnjim poslovima, razjašnjenju statusa državnih i entitetskih policijaca u kontekstu standarda državne službe i ubrzanju programa reforme lokalnih policijskih snaga, posebno u smislu njihovog smanjenja.